

Transport Mpona Kokende Na Bisika Bapesaka Mangwele Ya COVID-19

Sanza ya Misato 2021



Sika oyo tozali na maponi ebele ya transport mpo na bato ya Maine oyo bazokende na bisika bazwaka mangwele ya COVID-19 to oyo bazali kozonga nsima ya kozwa yango. Transport ya ofele ezali mpo na bato oyo bazali te na transport ya malonga, bato oyo bakoki te kokende bango moko, to bakoki te kosala mobembo ya kokende kozwa mangwele na lolenge misusu.

Maponi ya Transport

Transport ya Mbalakaka Te ya MaineCare

Soki osi ozali mosangani moko ya MaineCare oyo asalelaka lisanga moko ya Transport ya mbalakaka te mpona kobongisa kokende na yo na misala oyo MaineCare afutaka, osengeli kobenga [lisanga wana](#) mpo emema yo na rendez-vous na yo ya mangwele. Osengeli kozwa makutani nayo ya mangwele liboso ya kosenga transport, mpe osengeli kosenga transport ata bangonga 48 liboso ya makutani oyo osi obongisa.

Transport ya Mangwele ModivCare

Liponi oyo eza mpona bafandi ya Maine oyo bazangi transport ya malonga, ata mpe basangani ya MaineCare oyo bandimami te na kosalela Transport ya Mbalakaka Te.

Mibembo ezali mpona makutani ya mangwele oyo ekosalema na bangonga oyo eza na kati ya 7:00 a.m. mpe 4:00 p.m. banda na mokolo ya Yambo kino na mokolo ya Poso. Osengeli kobongisa makutani nayo ya mangwele liboso ya kosala bosengi ya motuka. Mpona kosenga motuka, benga Modivcare na numero **1-855-608-5172** ata bangonga 48 liboso ya mokolo ya makutani na yo obongisa.

Tosengi yo oyeba ete transport epesamaka te mpona bato oyo balingi bazwa mangwele na bipayi bapesaka mangwele na kati ya mituka.

Kobongisa Mobembo na Yo

Soki okosalela moko ya maponi ya transport oyo topesaki, kobosana te makambo oyo elandi:

- Ntango obengi mpona kokanga esika, osengeli kopesa mokolo mpe ngonga ya makutani nayo ya mangwele mpe nkombo, adresi, mpe numero ya telephone ya esika oyo okokende kozwa mangwele.
- Mibembo epesamaka mpo bamema yo na makutani na yo mpe bazongisa yo.
- Ekoki kozala mobembo ya bato mingi mpo esalisa DHHS na kopesa transport na bato nyonso oyo bazali na mposa na yango.
- Bakosenga yo olata masque.
- Osengeli kozala ya kobongama mpo baya kozwa yo mpona makutani na yo banda na miniti 30 liboso kino na miniti 15 nsima ya ngonga ebongisami mpo baya kozwa yo.
- Mokumbi na yo akokitisa yo, mpe akoya kozwa yo pene ya miniti 60 nsima ya ebandeli ya ngonga ya makutani na yo.
- Bakobenga yo mokolo oyo eza liboso ya mokolo ya makutani na yo mpo na kokundwela yo likambo ya transport oyo okangaki.

Mpona koyeba makambo mingi etali kozwa makutani ya mangwele, kende na www.maine.gov/covid19/vaccines/vaccination-sites to benga Misala ya Mangwele ya COVID-19 ya Bato ya Maine 1-888-445-4111. (Mpona misala ya bobongoli, yebisa lokota na yo soki bayambi libyangi na yo. Bato bakufa matoyi to baoyo bayokaka na mpasi bakoki kobenga numero 711 mpe kosenga ete balekisa bango na numero 1-888-445-4111.)

Mpona kosenga mokanda oyo na format mosusu, benga (207) 287-5014. Bakiliya oyo bakufa matoyi to oyo bayokaka na mpasi, bobenga numero 711 (Maine Relay) to bakoma na email ADA-Civilrights.dhhs@mame.gov